

Nr. 092 / 09 Haftyrðill ÍS 408**Strandar í Arnarfirði**

Skipaskr.nr. 7559
Smíðaður: Hafnarfirði 2006, plast
Stærð: 4,61 brl. 3,47 bt.
Mesta lengd: 6,98 m Skráð lengd: 6,92 m
Breidd: 2,34 m Dýpt: 1,52 m
Vél: Volvo Penta 67,2 kW, 2006
Fjöldi skipverja: 3

Gögn:

Lögregluskýrsla
Gögn RNS



Haftyrðill ©Hilmar Snorrason

Lokaskýrsla afgreidd á fundi 15. febrúar 2010 af Inga Tryggvasyni, Hilmar Snorrasyni, Pálma K. Jónssyni, Jóhanni Ársælssyni og Ólafi K. Ármannssyni

Tilgangur þessarar skýrslu er ekki að skipta sök eða ábyrgð og skal henni ekki beitt sem sönnunargagn í opinberu máli.

Atvikalýsing:

Þann 18. júlí 2009 var sjóstangaveiðibáturinn Haftyrðill ÍS 408 á siglingu á Arnarfirði. Veður: NV 3-5 m/sek.

Bátsverjar voru á leið til hafnar og sigldu grunnt með Langanesi. Þeir tóku eftir að það grynnaði mikið og þá slógu þeir af ferð og kúpluðu frá skrúfu en í því tók báturinn niðri. Þar sem báturinn var mjög nálægt landi rak hann fljótlega í strand á stað 65°43'240N og 023°31'911V.

Bátsverjar óskuðu eftir aðstoð og voru björgunarsveitir frá Bíldudal og Tálknafirði kallaðar út. Björgunarbátur frá björgunarsveitinni Kóp var sendur til þeirra.



Haftyrðill á strandstað


Bátsverjar voru teknir frá borði og báturinn dreginn af strandstað og til Bíldudals af Mardöll BA 37.

Haftyrðill var hífður á land og við skoðun kom í ljós að hællinn reyndist örlítið marinn.

Við rannsókn kom fram:

- að um var að ræða erlenda leigutaka á bátum og þeir því ókunnugir svæðinu;

- að samkvæmt upplýsingum frá útgerðaraðila lágu fyrir munnleg fyrirmæli til leigutaka að halda sig a.m.k. 300 metra frá landi;



- að samkvæmt ferilskráningu úr STK kerfi (*sjá kort*) siglir báturinn inn á hættusvæði (innfelld mynd) og mjög nálægt landi;
- að fram kom hjá útgerðaraðila að merkt var við samkvæmt vinnulagi þeirra að stjórnandi bátsins hefði haft réttindi frá sínu heimalandi til stjórnunar báts. Ekki tíðkast að taka ljósrit af skírteinum hjá leigutökum.

Nefndarálit:

Orsök þess að báturinn strandaði var aðgæsluleysi við siglingu hans.

Sérstök úbending:

Nefndin hvetur aðila í rekstri sjóstangaveiðibáta að hafa skýrar og skriflegar verklagsreglur um örugga siglingu.